

Na osnovu 62. Zakona o državnoj službi u institucijama Bosne i Hercegovine („Službeni glasnik BiH“, br. 19/02, 35/03, 4/04, 17/04, 26/04, 37/04 i 48/05) i člana 16. Zakona o upravi („Službeni glasnik BiH“, broj 32/02), Agencija za državnu službu, donosi

## **ODLUKU**

### **o utvrđivanju isprava koje mogu služiti kao dokaz o poznavanju ili znanju stranog jezika u postupcima sprovođenja konkursa u institucijama Bosne i Hercegovine**

#### **I**

U postupcima sprovođenja konkursa u institucijama Bosne i Hercegovine, kao dokaz o poznavanju ili znanju jezika, mogu se koristiti sljedeći dokazi:

- uvjerenje škola ili drugih institucija koji se bave obučavanjem znanja stranih jezika, bez obzira da li se nalaze u BiH ili izvan nje;
- uvjerenje fakulteta (o provjeri znanja jezika, položenom ispitu stranog jezika tokom školovanja), kao i druga isprava fakulteta (ovjerena kopija upisnice – indexa), koja potvrđuje poznavanje ili znanje jezika, odnosno položene ispite stranih jezika;
- diploma ili druga isprava koja potvrđuje stečeno zvanje ili zanimanje koje je neposredno vezano za znanje stranog jezika (npr. profesora jezika, jezičkog prevodioca, asistenta prevodioca, i sl.);
- diploma završenog fakulteta ili stečenog naučnog zvanja u BiH ili u inostranstvu po osnovu koje se nedvosmisleno može utvrditi da je isto školovanje u cjelini ili u pretežnom dijelu završeno na stranom jeziku.

#### **II**

Dokazi iz tačke I moraju biti na jezicima koji su u službenoj upotrebi u BiH.

Iznimno, dokazi iz tačke I mogu biti na jednom od diplomatskih jezika, po pravilu na onom jeziku koji se traži u konkretnom slučaju.

#### **III**

Odredbe ove odluke odnose se na sve konkurse po osnovu Zakona o državnoj službi u institucijama Bosne i Hercegovine, kao i na oglase po osnovu Odluke o uslovima i načinu prijema pripravnika VII stepena stručne spreme u radni odnos u institucije Bosne i Hercegovine („Službeni glasnik BiH“, broj 52/05).

#### **IV**

Ova odluka stupa na snagu danom donošenja i odmah se objavljuje na službenoj internet stranici Agencije za državnu službu.

Broj: 03-34-872/05  
26. decembra 2005. godine  
Sarajevo

**DIREKTOR**  
**Jakob Finci, s. r.**